



KEMENTERIAN KERJA RAYA
MALAYSIA

KENYATAAN MEDIA

MAJLIS PERASMIAN PROJEK MEMBINA JALAN DARI 2 LORONG KEPADA 4 LORONG DARI PERMATANG PAK ELONG (SEK.773) HINGGA JAMBATAN MERDEKA (SEK.782) SEBERANG PERAI UTARA, PULAU PINANG

KEPALA BATAS, PULAU PINANG — Majlis Perasmian Projek Membina Jalan Dari 2 Lorong Kepada 4 Lorong Dari Permatang Pak Elong Hingga Jambatan Merdeka Seberang Perai Utara, Pulau Pinang telah berlangsung hari ini bagi menandakan penyiapan projek untuk diserahkan kepada Kementerian Kerja Raya (KKR).

Hadir menyempurnakan majlis tersebut ialah Menteri Kanan Kerja Raya, YB Dato' Sri Haji Fadillah Bin Haji Yusof bersama YB Dato' Sri Reezal Merican Bin Naina Merican, Ahli Parlimen Kepala Batas yang juga merupakan Menteri Perumahan Dan Kerajaan Tempatan. Turut hadir ke majlis tersebut ialah Ketua Setiausaha Kementerian Kerja Raya, Ketua Pengarah Kerja Raya dan Pengarah Pembangunan Negeri Pulau Pinang.

Projek ini telah diluluskan di bawah Rancangan Malaysia ke-11, *Rolling Plan 1* dengan nilai sebanyak RM340,390,000 kepada Kementerian Kerja Raya Malaysia selaku Kementerian Pelanggan dan Jabatan Kerja Raya (JKR) Malaysia sebagai Agensi Pelaksana.

Pelaksanaan projek ini akan meningkatkan taraf perkhidmatan jalan ini daripada *Level of Service* (LOS) F kepada LOS C seterusnya mengurangkan kesesakan serta turut mengurangkan tempoh perjalanan pengguna. Selain itu, dengan pelebaran jalan ini juga dapat meningkatkan taraf ekonomi penduduk setempat disamping menyusun semula pembangunan di tepi jalan sedia ada. Penyiapan projek ini telah memberi jaringan prasarana jalan raya yang lebih selesa dan selamat kepada pengguna jalan raya yang berulang-alik dari Pulau Pinang dan Kedah.

Unit Komunikasi Korporat | Kementerian Kerja Raya Malaysia

🌐 WWW.KKR.GOV.MY ✉ PRO@KKR.GOV.MY 📘 KEMENTERIAN KERJA RAYA 📺 [KKR.MALAYSIA](https://www.facebook.com/KKR.MALAYSIA) 📺 [@MOWORKS](https://www.instagram.com/@MOWORKS) 📺 KEMENTERIAN KERJA RAYA OFFICIAL

Tel : 03 8000 8000 / D.L : 03 2771 4616 / 4627 | Faks : : 03 2711 1101

Jalan Sultan Salahuddin,
50580 Kuala Lumpur

